

Powšitkowne WOZJEWJENJA

njedźelu, 11. nowembra 2012

Patronatne kemše w Njebjelčicach

Patronatna Boža mša na swjateho Měrćina budže lětsa pónđzelu, 12. nowembra, w 9 hodź. w Njebjelčicach. Swjedźenske předowanje změje kapłan Daniel Dzikiewicz. Po kemšach móža so wěriwi z relikwiju swjateho Měrćina žohnować dać.

Zhromadny dzeń za přenjowoprawjenske dźěći

Dekanatne dušepastyrstwo přeprašuje wšitke dźěći, kotrež so na přenje swjate woprawjenje přihotuja, na zhromadny dzeń srjedu, 21. nowembra, wot 9 do 15 hodź. do Njebjelčic. Započatk je z Božej mšu w cyrkwi. Zajimcy njech so prošu hač do srjedy, 14. nowembra, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóždeho wobdźělnika přinošk, kotryž wučinja tři eura.

Dzeń wotewrjenych duri

Hornjołužiski zwjazk Carity z.t. přeprašuje wšitkich zajimcow na dzeń wotewrjenych duri nowonatarjeneho Džěčaceho domu swjateho Bjarnata w Kamjencu. Dom na Wysokej dróze 2 je tutu njedźelu, 11. nowembra, wot 10.00 do 17.00 hodź. přistupny.

Chrysta Krala w Chróścicach

Młodžina ze serbskich wosadow je na swjedženju Chrysta Krala, njedźelu, 25. nowembra, w 14 hodź. na nyšpor do Chróscic přeprašena. Po tym je zarjadowanje na farje. Dalše so hišće wozjewi.

„Hdyž rentnarjo zapřimnu“

Serbska lajska dźiwadłowa skupina Chróscicy z.t. přeprašuje wšitkich zajimcow na přichodnej předstajeni swojeje kriminalneje komedije „Hdyž rentnarjo zapřimnu“. Tutej budžetej njedźelu, 18. nowembra, w 16 hodź. w Nowoslicach pola Dinarjec a njedźelu, 2. decembra, w 16 hodź. w Šunowje.

Putniskej jězbje a serbskorěčne eksercicije tež klětu zaso

Lěpšeho dołhodobneho planowanja dla podam tu hižo terminy putniskeju jězbow a serbskich eksercicijow za lěto 2013: Putniska jězba do Eichsfelda budže wot pónđzele do srjedy, 3. do 5. junija. Přenocowanje je w Heiligenstadće planowane. Serbskorěčne eksercicije w Drježdžanskim domje Wysoke duby budu wot štwórtka, 10. oktobra, wječora hač do njedzele, 13. oktobra, připołdnja. Tydženska putniska jězba wot soboty do soboty, 19. do 26. oktobra, powjedže klětu do Tinje w Korutanskej (Awstriska). *T. Kubašec*

Zetkanje wobdźělnikow putnikowanja do Gdańska a Vilniusa

Wobdźělnicy putniskeje jězby do Gdańska a Vilniusa zetkaja so pjatk, 23. nowembra, po kemšach pola Šmitec w Radworju. Boža mša je we 18.30 hodź. Wšitcy putnicy su wutrobnje přeprašeni. *T. K.*

„Žiwjenje a smjerc“ – Temowy tydzeń w telewiziji ARD a serbskim rozhłosu

Za wěriwego křescana měła smjerc wolóženje być. A tola jeho smjerc blišeho boli a rudzi. Njewěriwi maja sej často hišće ćešo. Mnohich – wšojedne hač křescanow abo njekřescanow – pak smjerc samo fascinuje. Tak njewuńdže žadyn „Tatort“ njedželu wječor a žadyn prawy krimi bjez ćěłow. A zo wosebje starši ludžo w nowinje jako přenje čitaja, što je wumrěł, tež žane potajnstwo njeje.

Přichodnu sobotu, 17. nowembra, zahaji so w radijowych a telewizijnych sćelakach ARD tydzeń „Žiwjenje a smjerc“. Tak wobšěrnje drje so hišće ženje w němskich medijach wo smjerci rěčalo njeje kaž je to přichodny tydzeń planowane; a tež nic w serbskim rozhłosu sćelaka MDR. Móžne prašenja su: Štó pochowa zemrěteho, kotryž njeje nikoho a ničo zawostaji? Čehodla nima hižo kóžda wosa-da swojeho tótku? Kelko zemrětych přeje sej w Budyšinje hišće cyrkwinski pohrjeb? Je dowolene, swoju mać doma na marach stejo měć? Hrozy našim kěrchowam insolwenca? Abo: Štó kak dołho a kak wočiwidnje žaruje?

Temowy tydzeń „Žiwjenje a smjerc“ w ARD a tež w serbskim rozhłosu započnje so sobotu, 17. nowembra. Wón traje hač do njedžele, 25. nowembra.